

o sole addio

Nasegrübler Laufe 2000



Nasegrübler Gugge 2000

O sole adio

Am elftä achtä, dasch ä Hit
g'sesch überä Mitaag d' Sunnä nit.
Was isch ächt do dra bsunger?
Das isch meischtens äso, do im Summer.
Do seit dr schorsch he hesch ä Riss:
Dasch wäg dr Sunnefinschternis.

Denn bin-i schnäll zum Schalong gschprungä,
doch Brüllä han-i keini gfungä.
Usverchauft, so seit är mir,
doch ä Root, dä han-i dir
muesch ä Schiibli schwerzä
mit em Ruess vo-n-erä Cherzä
und hebbsch es denn vor d' Linsä
scho chasch i d' Sunnä grinsä.

I säg em denn: Jetzt weiss i gnuä.
Dasch wie im Tunnel bi dr Eggfluä
wenn dä mit em Chaare ineschtingsch
beschloot's dr Glas und hesch kei Sicht.
Und denn dä Qualm, foosch afo spinnä
meinsch grad dä siggsch im Central innä.

I säg im Roschee: Tschüss jetz gangi
will süscht am Änd, wenn' s guet goht, fangi
grad no-n-ä Buässäzedel i
vom FÜRwehr-Max dört vis-a-vis.
Dä saniert jetz d' Gmeindsfinanzä
wenn är am Samschtig mit sim Ranzä
s' Shtedtli uf und abe rennt
und dr ein a d'Schiibä brennt.
Schtatt em alte Swisscomlohn
läbt dä jetz vo Prowision
sovill Buässä tuät dä schriibä
Und d' Chundä usem Shtedtli triibä.

Uff dr Gmein isch o vill gangä
mit dr Croll Ursi agfangä.
Denn isch d' Wälti Ursi furt
trotz Brotescht vom Wagner Kurt.
Dr Blunsch i au, dä ziähts jetz nämml i
i d' Wirtschaft zrugg, nei nit is Tännli.
O s' Monika, mir tuet das passä
Macht höchstens z' Lieschtel no Grimassä.
Dr einzig wo d' chönntsch Beduure ha
isch dä jungi SP-Maa.
Chuum hätt dä i Gmeinroot sellä
hett en s' Volk scho nümme wellä.

Das alles macht mir nit Angscht und Bang
vo wäge däm Wältungergang.
D' Sunnäfinschternis hei mir überschtange,
d' Wolchä si z' fescht drüber ghange.
Hättsch gar kei Brüllä ha miessä,
o s' Millennium cha mi nit verdriessä.
Wenn i mir alles rächt tue überleggä,
cha-n-i dr Griffel jetz uf d' Site leggä
und hätt ganz ohni z' übertriibä
dä Värs do gar nit miessä schriibä.

Euer Hejela